

21. AL-ANBIYA' (NBEI-NBEI)

Suet ke-21: 112 ayat

Ngen sembut gen Allah Maho Pengasiak,
Maho Penyayang.

بِسْمِ اللَّهِ الرَّحْمَنِ الرَّحِيمِ

JUZ XVII

1. Bi paak ngen manusio bilei menghitung kete amal mereka, sedangkan tobo o ade nak lem kelalaian dan berpaling kunai Tuhan.

أَقْتَرَبَ لِلنَّاسِ حِسَابُهُمْ وَهُمْ فِي غَفْلَةٍ مُّعْرِضُونَ ﴿١﴾
2. Coa teko ngen tobo o do ayat quran pun di bleu tuun kunai Tuhen ne, meleyenkan tobo o temngoa ne, sedang tobo o bermain-main.

مَا يَأْتِيهِمْ مِّنْ ذِكْرٍ مِّن رَّبِّهِمْ مُّحَدَّثٍ إِلَّا أَسْتَمِعُوهُ وَهُمْ يَلْعَبُونَ ﴿٢﴾
3. Atei tobo o nak lem lalai, dan tobo di meresio jano kecek ne: “Tun yo coa leyen ade ba dikup manusio awei udi , mako janokah udi temimo sihir o, padahal udi manek ne.”

لَا هَيْبَةَ قُلُوبِهِمْ ۚ وَأَسْرَأَ النَّجْوَى الَّذِينَ ظَلَمُوا هَلْ هَذَا إِلَّا بَشْرٌ مِّثْلُكُمْ ۗ أَفَتَأْتُونَ السَّحَرَ وَأَنْتُمْ تَبْصُرُونَ ﴿٣﴾
4. Miling ba Nebei Muhammad ngen tobo o: “Tuhan ku namen kete di nadeak lenget ngen bumei dan Si ba di amat menengoa dan amat namen.”

قَالَ رَبِّي يَعْلَمُ الْقَوْلَ فِي السَّمَاءِ وَالْأَرْضِ ۗ وَهُوَ السَّمِيعُ الْعَلِيمُ ﴿٤﴾
5. Bahkan tobo o madeak kulo: “Bahwa Al-Quran o ade mipei belaka.” Di leyen madeak Quran o nnea-nnea Muhammad dewek. Sedangkan di leyen igei madeak: “Muhamma o kan tukang syair. Amen memang si o nebei, kelak ne si tampil nak muko te yo ngen mukjizat di kemwet bahwa si o nebei, awei ipe diberlaku ngen nebei-nebei di leyen.”

بَلْ قَالُوا أَضْغَتْ أَحْلَمٍ بَلِ افْتَرَاهُ بَلْ هُوَ شَاعِرٌ فَلْيَأْتِنَا بِآيَةٍ كَمَا أُرْسِلَ الْأَوْلُونَ ﴿٥﴾
6. Sementaro penduduk negerei di pernah Tuhan musnahkan se ati tobo o pun, gi maseak coa kenai pecayo mukjizat o, janokah tobo o uyo akan pecayo?

مَا ءَامَنَتْ قَبْلَهُمْ مِّنْ قَرْيَةٍ أَهْلَكْنَاهَا أَفَهُمْ يُؤْمِنُونَ ﴿٦﴾

7. Dan Tuhan coa mutus Nebei-Nebei se ati udi Muhammad, kecuali tobo o kaum laki-laki, di Tuhan meli wahyu ngen si. Cubo tanye ngen tun di ahli di pecayo ngen Taurat dan Injil, amen udi ati namen.
- وَمَا أَرْسَلْنَا قَبْلَكَ إِلَّا رِجَالًا نُوْحِي إِلَيْهِمْ^ط
فَسْأَلُوا أَهْلَ الذِّكْرِ إِنْ كُنْتُمْ لَا تَعْلَمُونَ ﴿٧﴾
8. Bahkan Tuhan coa pernah menjadikan tubuh-tubuh di coa perlu makanan, lagi kulo tobo o coa ade di kekal idup ne.”
- وَمَا جَعَلْنَاهُمْ جَسَدًا لَّا يَأْكُلُونَ الطَّعَامَ وَمَا كَانُوا خَالِدِينَ ﴿٨﴾
9. Tuhan menepati jajei di telah Si jemajei, mako Tuhan menyelamatkan tobo o dan tun-tun dikenlak Tuhan dan Tuhan binasakan tun di melampawi batas.
- ثُمَّ صَدَقْنَاهُمُ الْوَعْدَ فَأُجِّبْنَاهُمْ وَمَنْ نَشَاءُ
وَأَهْلَكْنَا الْمُسْرِفِينَ ﴿٩﴾
10. Sesonggoak ne Tuhan temuun ngen udi kiteb di ipe nak lem ne terdapat sebab-sebab kemuliaan. Mako janokah udi coa namen?
- لَقَدْ أَنْزَلْنَا إِلَيْكُمْ كِتَابًا فِيهِ ذِكْرُكُمْ^ط أَفَلَا تَعْقِلُونَ ﴿١٠﴾
11. Bi awit Tuhan memusnahkan penduduk negerei di zalim, kemudian Tuhan gemitei ngen tu leyen.
- وَكَمْ قَصَمْنَا مِنْ قَرْيَةٍ كَانَتْ ظَالِمَةً وَأَنْشَأْنَا بَعْدَهَا قَوْمًا آخَرِينَ ﴿١١﴾
12. Mako tat kala tobo o meding azab Tuhan, tibo-tibi tobo melilei kunai negerei ne.
- فَلَمَّا أَحْسَبُوا أَنَّ سَنَاءَ إِذَا هُمْ مِنْهَا يَرْكُضُونَ ﴿١٢﴾
13. Jibeak ba udi melilei, belek ba udi magea nikmat di sudo udi meding dan mai pelabei di baik supayo udi tenanye.
- لَا تَرْكُضُوا وَأَرْجِعُوا إِلَىٰ مَا أُتْرِفْتُمْ فِيهِ
وَمَسْكِنِكُمْ لَعَلَّكُمْ تَسْأَلُونَ ﴿١٣﴾
14. Tobo o bekato: “Aduhai celako keme, sesonggoak ne keme ade ba tun di zalim.”
- قَالُوا يَنْوِيلُنَا إِنَّا كُنَّا ظَالِمِينَ ﴿١٤﴾
15. Terus menerus ba tobo o mengeluh sapei Tuhan menjadikan tobo o awei pun di tekulai coa dapet idup igei.
- فَمَا زَالَتْ تِلْكَ دَعْوَاهُمْ حَتَّىٰ جَعَلْنَاهُمْ حَصِيدًا
خَمِيدِينَ ﴿١٥﴾
16. Coa Tuhan ciptakan lenget dan bumei dan di ade nak antaro ne dengen maksud
- وَمَا خَلَقْنَا السَّمَاءَ وَالْأَرْضَ وَمَا بَيْنَهُمَا لِعِبِينَ ﴿١٦﴾

main-main.

17. Sekiro ne amen Tuhan lak menea suatu permainan (istri dan anak), tentu ba Tuhan menea ne. amen Tuhan kemlak kenea awei o, tentu ba Tuhan menea ne.
- لَوْ أَرَدْنَا أَنْ نَتَّخِذَ لَهُوَآ لَأَتَّخِذْنَهُ مِنْ لَدُنَّا إِنَّ كُنَّا فَنَعِلِينَ ﴿٧﴾
18. Sesonggoak ne Tuhan mpek di hak mai batil lalu di hak o musak ne, mako dengan sertu merto di batil o laput. Dan celako ba udi kerno udi mensipeti Tuhan ngen sipet di coa layak.
- بَلْ نَقْذِفُ بِالْحَقِّ عَلَى الْبَاطِلِ فَيَدْمَغُهُ فَإِذَا هُوَ زَاهِقٌ وَلَكُمْ الْوَيْلُ مِمَّا تَصِفُونَ ﴿٨﴾
19. Dan milik Tuhan kete di tang lenget dan bumei dan Malaikat-Malaikat di sisi-Nya, tobo o coa temwan asej obong untuk sembeak Tuhan dan coa kulo meding payeak.
- وَلَهُ مَنْ فِي السَّمَوَاتِ وَالْأَرْضِ وَمَنْ عِنْدَهُ لَا يَسْتَكْبِرُونَ عَنْ عِبَادَتِهِ وَلَا يَسْتَحْسِرُونَ ﴿٩﴾
20. Tobo o terus bertasbih lueng kelmen coau bedan-bedan.
- يُسَبِّحُونَ اللَّيْلَ وَالنَّهَارَ لَا يَفْتُرُونَ ﴿١٠﴾
21. Janokah tobo o mak Tuhan-Tuhan kunai bumei, di dapet midup tun matei?
- أَمْ اتَّخَذُوا ءَالِهَةً مِنَ الْأَرْضِ هُمْ يُنشِرُونَ ﴿١١﴾
22. Sekiro ne nak lenget dan bumei ade Tuhan selain Allah, tentu keduei ne sudo binaso, amat bersih Allah, Tuhan 'Arasy kunai sipet-sipet di coa baik.
- لَوْ كَانَ فِيهِمَا ءَالِهَةٌ إِلَّا اللَّهُ لَفَسَدَتَا فَسُبْحَانَ اللَّهِ رَبِّ الْعَرْشِ عَمَّا يَصِفُونَ ﴿١٢﴾
23. Tuhan o coa baka temnei tentang jano-jano di nnea Ne, malahan ite ba baka temanye Tuhan.
- لَا يُسْأَلُ عَمَّا يَفْعَلُ وَهُمْ يُسْأَلُونَ ﴿١٣﴾
24. Janokah tobo o made Tuhan seleyen Allah? Kadeak ba, "cubo kemukokan pendapat udi tentang kebenaran pihak udi, sedangkan dalil-dalil kunai Tuhan do o ba Al-Quran, yakni kiteb gi tenuun Tuhan ngen tun di kenlak Ne, bahkan tenabeak igei ngen kiteb-kiteb do bi tenuun ngen Nebei se ati udi. Sebenea ne kebanyakan tobo o coa namen ipe di hak dan ipe di batil ne, kerno o ba tobo o coa pedulei.
- أَمْ اتَّخَذُوا مِنْ دُونِهِ ءَالِهَةً قُلْ هَاتُوا بُرْهَانَكُمْ هَذَا ذِكْرٌ مِنْ مَعِيَ وَذِكْرٌ مِنْ قَبْلِي بَلْ أَكْثَرُهُمْ لَا يَعْلَمُونَ الْحَقَّ فَهُمْ مُعْرِضُونَ ﴿١٤﴾

25. Dan Tuhan coa mutus dikup Nebei pun se ati udi, melainkan Tuhan mewahyukan magea Nebei Muhammad: “coa ade Tuhan di patut senbeak kecuali Allah, mako o sembeak ba Tuhan.
- وَمَا أَرْسَلْنَا مِنْ قَبْلِكَ مِنْ رَسُولٍ إِلَّا نُوحِي إِلَيْهِ أَنَّهُ لَا إِلَهَ إِلَّا أَنَا فَاعْبُدُونِ ﴿٢٥﴾
26. Tobo o madeak Tuhan yang maha pengasih o temwan anak, Maha bersih Tuhan, seba ne malaikat-malaikat o ade ba mahluk Tuhan di terhormat.
- وَقَالُوا اتَّخَذَ الرَّحْمَنُ وَلَدًا ۗ سُبْحٰنَهُ ۗ بَلْ عِبَادٌ مُّكْرَمُونَ ﴿٢٦﴾
27. Tobo o coa demete Si ngen perkataan dan tobo o kemakok jano di neriteak Tuhan.
- لَا يَسْبِقُونَهُ بِالْقَوْلِ وَهُمْ بِأَمْرِهِ يَعْمَلُونَ ﴿٢٧﴾
28. Kerno Tuhan namen asekerjo tobo o, wi o kulo jana di baka kenakok tobo o, tobo o coa nam mbela api-api, kecuali tun di neredo Tuhan, dan kulo kerno saben ngen Tuhan tobo o atei-atei nak lem tindakan.
- يَعْلَمُ مَا بَيْنَ أَيْدِيهِمْ وَمَا خَلْفَهُمْ وَلَا يُشْفَعُونَ إِلَّا لِمَنْ أَرَادَ وَهُمْ مِنْ حَشِيَّتِهِ ۗ مُشْفِقُونَ ﴿٢٨﴾
29. Dan api di antaro tobo o madeak: “Uku Tuhan seleyen Allah” api pet di madeak wi o mako Tuhan mlei hukuman masuk nerako jahannam, wi o Tuhan majea tun di Zalim.
- ۞ وَمَنْ يَقُلْ مِنْهُمْ إِنِّي إِلَهٌ مِنْ دُونِهِ ۗ فَذٰلِكَ نَجْزِيهِ جَهَنَّمَ ۚ كَذٰلِكَ نَجْزِي الظَّٰلِمِينَ ﴿٢٩﴾
30. Janokah tobo di engkar o coa namen bahwa lenget ngen bumei yo bi o menyatu, kemudian Tuhan pisahkan, selanjut ne kete di idup Tuhan jemije kunai bioa, bene tobo o coa knai ber imen.
- أَوَلَمْ يَرِ الَّذِينَ كَفَرُوا أَنَّ السَّمَوَاتِ وَالْأَرْضَ كَانَتَا رَتْقًا فَفَتَقْنَاهُمَا ۗ وَجَعَلْنَا مِنَ الْمَاءِ كُلَّ شَيْءٍ حَيٍّ أَفَلَا يُؤْمِنُونَ ﴿٣٠﴾
31. Nak bumei Tuhan made tebo-tebo di lekat sebagei alat pengaman, supayo bumei o coa serpak bergoncang, dan Tuhan made kulo nak bumei dalen-dalen di luas, supayo manusio dapet petunjuk.
- وَجَعَلْنَا فِي الْأَرْضِ رَوَاسِيًا أَنْ تَمِيدَ بِهِمْ وَجَعَلْنَا فِيهَا فِجَاجًا سُبُلًا لَّعَلَّهُمْ يَهْتَدُونَ ﴿٣١﴾
32. Bi sudo Tuhan matur alamsemesta yo, lenget merupokan atep terpelihara, tapi tun musyrik o gi milak direi kunai meker
- وَجَعَلْنَا السَّمَاءَ سَقْفًا مَحْفُوظًا ۗ وَهُمْ عَنْ آيَاتِهَا

tado-tado kekuasaan Tuhan.

مُعْرَضُونَ ﴿٣٣﴾

33. Tuhan ba di menciptakan kelmen ngen lueng, matei bilei ngen bulen, masing-masing mpanua nak gis edar ne.

وَهُوَ الَّذِي خَلَقَ اللَّيْلَ وَالنَّهَارَ وَالشَّمْسَ وَالْقَمَرَ ۗ

كُلٌّ فِي فَلَكٍ يَسْبَحُونَ ﴿٣٤﴾

34. Tuhan coa pernah menciptakan idup kekal bagi setiap manusio pun se ati udi (Muhammad), mako amen udi matei, janokah udi bak kekal?

وَمَا جَعَلْنَا لِبَشَرٍ مِّن قَبْلِكَ الْخُلْدَ أَفَإِنَّ مِتَّ

فَهُمُ الْخَالِدُونَ ﴿٣٥﴾

35. Tiep-tiep di idup baka matei, Tuhan baka mujei udi ngen kesusahan dan kesenangan, kemudian udi baka belek magea Tuhan.

كُلُّ نَفْسٍ ذَائِقَةُ الْمَوْتِ ۗ وَنَبْلُوكُم بِالشَّرِّ وَالْحَيْرِ

فِتْنَةً ۗ وَإِلَيْنَا تُرْجَعُونَ ﴿٣٦﴾

36. Amen tun engkar o manek udi, coa leyen di nnea ne (tun kapir) hanya ba kemecek dan kemidek udi, tun engkar o madeak: "Tobo yo ba di mencela Tuhan-Tuhan te, padahal tobo o ade ba tun di engkar minget Tuhan di maha pemuieak.

وَإِذَا رَأَى الَّذِينَ كَفَرُوا إِن يَتَّخِذُونَكَ إِلَّا

هُزُوعًا أَهَذَا الَّذِي يَذْكُرُ آلِهَتَكُمْ وَهُمْ

بِذِكْرِ الرَّحْمَنِ هُمْ كَافِرُونَ ﴿٣٧﴾

37. Manusio memiliki sipet selalu ingin gacang, be akan Tuhan kemten magea udi tado-tado azab Ne, mako dibek ba udi minai gacang Si kemten azab o.

خُلِقَ الْإِنسَانُ مِنْ عَجَلٍ ۗ سَأُورِيكُمْ آيَاتِي فَلَا

تَسْتَعْجِلُونَ ﴿٣٨﴾

38. Tobo o betanye: "tengen jajei Tuhan o baka teko, amen udi deu yo ade ba tun-tun di benea.

وَيَقُولُونَ مَتَى هَذَا الْوَعْدُ إِن كُنْتُمْ

صَادِقِينَ ﴿٣٩﴾

39. Amen tun engkar o namen betapa hebat ne sikso di sendio Tuhan, gi ipe tobo o coa nam milak kepedihan opoi nerako, baik di teko kunai muko ateu di teko kunai belakang,, sedang tobo o coa baka tenulung untuk menghindari azab o, tentu tobo o coa baka minai azab o genacang.

لَوْ يَعْلَمُ الَّذِينَ كَفَرُوا حِينَ لَا يَكْفُونَ عَنْ

وُجُوهِهِمُ النَّارَ وَلَا عَنْ ظُهُورِهِمْ وَلَا هُمْ

يُنصَرُونَ ﴿٤٠﴾

40. Sebenea ne sikso o teko magea tobo o secara tibo-tibo, dan cukup mengagetkan. Tobo o coa ade dayo untuk menulak, dan coa baka nlei wakteu untuk bertobat.
- بَلْ تَأْتِيهِمْ بَغْتَةً فَتَبْهَتُهُمْ فَلَا يَسْتَطِيعُونَ رَدَّهَا
وَلَا هُمْ يُنظَرُونَ ﴿٤٠﴾
41. Dan sudo di olok-olok beberapa Nebei se ati udi, mako tuun ba magea tun di meng olok-olok Nebei o azab yang selalu tobo o olok-olok.
- وَلَقَدْ آسَفْنَاهُ بِرُسُلٍ مِّن قَبْلِكَ فَحَاقَ بِالَّذِينَ
سَخِرُوا مِنْهُمْ مَا كَانُوا بِهِ يَسْتَهْزِئُونَ ﴿٤١﴾
42. Kadeak ba: “Api di dapet mlei aro udi nak wakteu kelmen ngen lueng, seleyen Tuhan gi maha pemueak” sebenea ne tobo o ade ba tun di berpaling kunai munget Tuhan.
- قُلْ مَنْ يَكْفُرْكُمْ بِاللَّيْلِ وَالنَّهَارِ مِنَ الرَّحْمَنِ
بَلْ هُمْ عَنْ ذِكْرِ رَبِّهِمْ مُعْرِضُونَ ﴿٤٢﴾
43. Ateu adekah tobo o temwan Tuhan gi dapet mlei aro si kunai azab Tuhan, Tuhan-tuhan o coa akan sanggup temulung direi tobo o dewek, dan coa kulo tobo o dilindungi uleak Tuhan.
- أَمْ لَهُمْ ءَالِهَةٌ تَمْنَعُهُمْ مِّن دُونِنَا لَا
يَسْتَطِيعُونَ نَصْرَ أَنفُسِهِمْ وَلَا هُمْ مِنَّا
يُصْحَبُونَ ﴿٤٣﴾
44. Sebenea ne Tuhan bi mlei tobo o dan tun tuei ne kenikmatan idup tang dunio sehingga omor panjang, jano tobo o coa manek bahwa Tuhan made negrei tun engkar, kemudian Tuhan ke mu ang libea ne kunai kete penjuru, janokah tobo o gi baka menang ne?
- بَلْ مَتَّعْنَا هَؤُلَاءِ وَءَابَاءَهُمْ حَتَّى طَالَ عَلَيْهِمُ
الْعُمُرُ أَفَلَا يَرَوْنَ أَنَّا نَأْتِي الْأَرْضَ نَنْقُصُهَا
مِّنْ أَطْرَافِهَا أَفَهُمُ الْغَالِبُونَ ﴿٤٤﴾
45. Kdeak ke ba Hai Muhamma! Sesungguh ne Tuhan hanya mlei peringatan ngen udi kete melalui wahyu, dan coa ba tun-tun di pekak (sti uk) temngoa seruan o waleu pun si nageak peringatan.”
- قُلْ إِنَّمَا أُنذِرُكُمْ بِالْوَحْيِ وَلَا يَسْمَعُ الصُّمُّ
الدُّعَاءَ إِذَا مَا يُنذَرُونَ ﴿٤٥﴾
46. Dan sesonggoak ne amen tobo o tenimpa musiba walaupun didik, pasti ba tobo o madeak: “ Nawei celako ba keme, bahwasa ne keme cemplako direi keme dewek.”
- وَلَيْنَا إِنَّا كُنَّا ظَالِمِينَ ﴿٤٦﴾
47. Tuhan baka made timbangan di tepat pado bilei kiamat, mako coa baka ade di rugei didik pun. Dan amen amalan o
- وَنَضَعُ الْمَوَازِينَ الْقِسْطَ لِيَوْمِ الْقِيَامَةِ فَلَا تُظْلَمُ
نَفْسٌ شَيْئًا وَإِنْ كَانَ مِثْقَالَ حَبَّةٍ مِّن

hanya sebenek ijat sawi pun pasti Tuhan made imbalan, dan cukup ba Tuhan di mnea perhitungan.	<p>خَرَدَلٍ أَتَيْنَا بِهَا وَكَفَى بِنَا حَسِيبِينَ ﴿٤٧﴾</p>
48. Dan sesonggoak ne Tuhan bi mlei magea Nebei Musa dan Harun kiteb Taurat untuk penerangan dan pelajaran bagi tun di bertaqwa.	<p>وَلَقَدْ ءَاتَيْنَا مُوسَىٰ وَهَارُونَ الْفُرْقَانَ وَضِيَاءً وَذِكْرًا لِّلْمُتَّقِينَ ﴿٤٨﴾</p>
49. Yakni tun di saben ngen azab Tuhan, sedang tobo o coa manek tuhan, dan tobo o meraso saben akan bilei kiamat.	<p>الَّذِينَ يَخْشَوْنَ رَبَّهُم بِالْغَيْبِ وَهُمْ مِّنَ السَّاعَةِ مُشْفِقُونَ ﴿٤٩﴾</p>
50. Quran yo ade ba suatu kiteb (peringatan) di mlei berkat gi tenuun Tuhan, mako bene udi gi maseak mengingkari?	<p>وَهَذَا ذِكْرٌ مُّبَارَكٌ أَنزَلْنَاهُ أَفَأَنْتُمْ لَهُ مُنْكَرُونَ ﴿٥٠﴾</p>
51. Dan sesonggoak ne Tuhan bi menganugrahkan magea Nebei Ibrahim hidayah di benea ne se ati Musa ngen Harun, dan Tuhan namen keduei ne.	<p>﴿٥١﴾ وَلَقَدْ ءَاتَيْنَا إِبْرَاهِيمَ رُشْدَهُ مِن قَبْلُ وَكُنَّا بِهِ عَالِمِينَ ﴿٥١﴾</p>
52. Inget ba wakteu Ibrahim miling ngen Bapak ne dan kaum ne, patung-patung jano dio udi gi ber ibadat ngen patung yo?	<p>إِذْ قَالَ لِأَبِيهِ وَقَوْمِهِ مَا هَذِهِ التَّمَاثِيلُ الَّتِي أَنْتُمْ لَهَا عَاكِفُونَ ﴿٥٢﴾</p>
53. Tobo o jemawab: “keme manek tun tuei keme menyebeak ngen si!	<p>﴿٥٣﴾ قَالُوا وَجَدْنَا ءَابَاءَنَا هَا عِبَادِينَ ﴿٥٣﴾</p>
54. Ibrahim madeak, sesonggoak ne udi dan tun tuei udi ade ba nak lem kesesatan.	<p>﴿٥٤﴾ قَالَ لَقَدْ كُنْتُمْ أَنْتُمْ وَءَابَاؤُكُمْ فِي ضَلَالٍ مُّبِينٍ ﴿٥٤﴾</p>
55. Tobo o jemawab: Janokah udi teko ngen keme dengan sungguh-sungguh ateu udi termasuk tun di main-main?	<p>﴿٥٥﴾ قَالُوا أَجِئْتَنَا بِالْحَقِّ أَمْ أَنْتَ مِنَ اللَّاعِبِينَ ﴿٥٥﴾</p>
56. Ibrahim madeak: “Sbenea ne Tuhan udi ade ba Tuhan lenget ngen bumei di mencipto ne dan Ibrahim ade ba tun dipacak mlei bukti tentang Tuhan o.”	<p>﴿٥٦﴾ قَالَ بَلْ رَبُّكُمْ رَبُّ السَّمَوَاتِ وَالْأَرْضِ الَّذِي فَطَرَهُنَّ وَأَنَا عَلَىٰ ذَٰلِكُمْ مِنَ الشَّاهِدِينَ ﴿٥٦﴾</p>
57. Demi Tuhan sesonggoak ne uku baka menea tipu daya terhadep berhala-berhala udi, setela udi laleu temiga berhala o.	<p>﴿٥٧﴾ وَتَاللَّهِ لَأَكِيدَنَّ أَصْنَامَكُمْ بَعْدَ أَنْ تُوَلُّوا مُدْبِرِينَ ﴿٥٧﴾</p>

58. Mako Ibrahim menea berhala-berhala o ajoa detok-detok, kecuali dipaling lei kunai patung-patung o, supayo tobo o tuduk dan betanye magea Ibrahim. فَجَعَلَهُمْ جُودًا إِلَّا كَبِيرًا هُمْ لَعَلَّهُمْ إِلَيْهِ يَرْجِعُونَ ﴿٥٨﴾
59. Tobo o madeak: “api di mnea awei yo terhadap Tuhan-Tuhan keme sesonggoak ne tun termasuk zalim.” قَالُوا مَنْ فَعَلَ هَذَا بِآلِهَتِنَا إِنَّهُ لَمِنَ الظَّالِمِينَ ﴿٥٩﴾
60. Tobo o madeak: “keme temngoa ade tun bujang di mimak berhala-berhala yo ngen Ibrahim.” قَالُوا سَمِعْنَا فَتًى يَذُكُرُهُمْ يُقَالُ لَهُ إِبْرَاهِيمُ ﴿٦٠﴾
61. Tobo o madeak: “Kaleu wi o kebin ba si ngen ca o dapet nanek tun deu, agar tobo o manek.” قَالُوا فَاتُوا بِهِ عَلَىٰ أَعْيُنِ النَّاسِ لَعَلَّهُمْ يَشْهَدُونَ ﴿٦١﴾
62. Tobo o betanye: “janokah udi di menea perbuatan yo terhadap Tuhan-Tuhan keme hai Ibrahim?” قَالُوا ءَأَنْتَ فَعَلْتَ هَذَا بِآلِهَتِنَا يَا إِبْرَاهِيمُ ﴿٦٢﴾
63. Ibrahim jemawab: “sebenea ne patung di lei o ba di musak patung-patung o, mako tanye ba mahgea si, kaleu si pacak miling.” قَالَ بَلْ فَعَلَهُ كَبِيرُهُمْ هَذَا فَسَأَلُوهُمْ إِنْ كَانُوا يَنْطِقُونَ ﴿٦٣﴾
64. Mako tobo o sadar dan madeak: “sesonggoak ne udi yo ade ba tun menganiaya direi udi dewek.” فَارْجِعُوا إِلَىٰ أَنفُسِهِمْ فَقَالُوا إِنَّكُمْ أَنْتُمُ الظَّالِمُونَ ﴿٦٤﴾
65. Sudo o tobo o tetuduk dan madeak: “sesonggoak ne udi hai Ibrahim bi namen bahwa berhala-berhala o coa nam miling.” ثُمَّ نَكْسُوا عَلَىٰ رُءُوسِهِمْ لَقَدْ عَلِمْتُمْ مَا هَٰؤُلَاءِ يَنْطِقُونَ ﴿٦٥﴾
66. Ibrahim madeak mako ne bene udi sembeak si seleyen Tuhan, si coa mlei manfaat didikpun coa kulo mlei mudarat ngen udi yo. قَالَ أَفَتَعْبُدُونَ مِن دُونِ اللَّهِ مَا لَا يَنْفَعُكُمْ شَيْئًا وَلَا يَضُرُّكُمْ ﴿٦٦﴾
67. Amen wi o celako ba udi, dan jano disembeak udi seleyen Tuhan, mako janokah udi coa memahami ne. أَفِ لَكُمْ وَلَمَّا تَعْبُدُونَ مِن دُونِ اللَّهِ أَفَلَا تَعْقِلُونَ ﴿٦٧﴾

68. Tobo a madeak: “kebem ba si, dan bantu ba Tuhan-Tuhan udi, amen udi benea-benea lak betindak. قَالُوا حَرِّقُوهُ وَانصُرُوا ءَالِهَتَكُمْ إِن كُنْتُمْ فَعَلِينَ ﴿٧٨﴾
69. Tuhan berfirman: “Hai opoi jiji ba sengak dan klei keselamatan bagi Ibrahim.” قُلْنَا يَنْتَارُ كُونِي بَرْدًا وَسَلَامًا عَلَىٰ إِبْرَاهِيمَ ﴿٧٩﴾
70. Tobo o berencana berbuat makar terhadap Ibrahim, mako Tuhan jemijei tobo o tun di rugui. وَأَرَادُوا بِهِ كَيْدًا فَجَعَلْنَاهُمُ الْأَخْسَرِينَ ﴿٨٠﴾
71. Dan Tuhan menyelamatkan Ibrahim ngen Luth mai do sadei di ade berkat untuk kete manusio. وَنَجَّيْنَاهُ وَلُوطًا إِلَى الْأَرْضِ الَّتِي بَارَكْنَا فِيهَا لِلْعَالَمِينَ ﴿٨١﴾
72. Tuhan bi mlei anak ngen kepeu magea Ibrahim Ishak ngen Yakub, sebagei tabeak karunia, masing-masing Tuhan jemijei si tun saleh. وَوَهَبْنَا لَهُ إِسْحَاقَ وَيَعْقُوبَ نَافِلَةً ۗ وَكُلًّا جَعَلْنَا صَالِحِينَ ﴿٨٢﴾
73. Tuhan jemijei si pemimpin dimajak manusio mai Tauhid sesuai ngen priteak Ne nak lem wahyu di tenuun Tuhan, Tuhan wahyukan ngen tobo o, untuk kemrejo perbuatan di baik, semyang, zakat. Dan tobo o ade ba tun di patuh ibadat ngen Tuhan. وَجَعَلْنَاهُمْ أُمَّةً يَهْدُونَ بِأَمْرِنَا وَأَوْحَيْنَا إِلَيْهِمْ فِعْلَ الْخَيْرَاتِ وَإِقَامَ الصَّلَاةِ وَإِيتَاءَ الزَّكَاةِ وَكَانُوا لَنَا عَابِدِينَ ﴿٨٣﴾
74. Tuhan bi mlei kurnia ngen kebijakan dan pengetahuan ngen Luth, serto Tuhan semlmat si kunai kemusnahan do negerei maksiat dipendudukne mnea kakok coa baik, tobo o benea-benea tun bejat dan fasik. وَلُوطًا ءَاتَيْنَاهُ حُكْمًا وَعِلْمًا وَنَجَّيْنَاهُ مِنَ الْقَرْيَةِ الَّتِي كَانَتْ تَعْمَلُ الْخَبِيثَ ۗ إِنَّهُمْ كَانُوا قَوْمَ سَوْءٍ فَسَقِينَ ﴿٨٤﴾
75. Sudo o Tuhan masukkan si mai lem jumlah tun-tun diberhak temimo rahmat Tuhan, kerno si termasuk golongan tun-tun saleh. وَأَدْخَلْنَاهُ فِي رَحْمَتِنَا ۗ إِنَّهُ مِنَ الصَّالِحِينَ ﴿٨٥﴾
76. Dan kinget kisah Nuh sebelum ne, ketika o si bedu o, dan Tuhan kemabul du o ne, lalu Tuhan semlmat si serto keluargone kunai petaka angin topan di dahsat. وَنُوحًا إِذْ نَادَىٰ مِنْ قَبْلُ فَاسْتَجَبْنَا لَهُ فَنَجَّيْنَاهُ وَأَهْلَهُ مِنَ الْكَرْبِ الْعَظِيمِ ﴿٨٦﴾

77. Tuhan semlahat si kunai kejaran tun-tun di mendustakan ayat-ayat Tuhan, kemudian Tuhan mdem ketene. وَنَصَرْنَاهُ مِنَ الْقَوْمِ الَّذِينَ كَذَبُوا بَيِّنَاتِنَا إِلَيْهِمْ
كَانُوا قَوْمًا سَوِيًّا فَأَغْرَقْنَاهُمْ أَجْمَعِينَ ﴿٧٧﴾
78. Kinget ba kisah Daud ngen Sulaiman ketika kedueine madekan hukuman mengenai tanem di nusak uleak kabing-kabing milik dikup penduduk, di lepas berkeliaran dan Tuhan menyaksikan keputusan hukum di nutus tobo o. وَدَاوُدَ وَسُلَيْمَانَ إِذْ يَحْكُمَانِ فِي الْحَرْثِ إِذْ
نَفَسَتْ فِيهِ غَمُّ الْقَوْمِ وَكُنَّا لِحُكْمِهِمْ
شَاهِدِينَ ﴿٧٨﴾
79. Namun Tuhan bi mlei pengertian ngen Nebei Sulaiman mengenai teori hukum di tepat, seleyen anugrah kebijaksanaan dan ilmu di sudo Tuhan mlei ngen masing-masing Nebei samo. Tuhan bi matur tebo-tebo, burung-burung untuk bertasbi besamo-samo ngen Daud. Dan Tuhan ba di bekuaso bekemea model o. فَفَهَّمْنَاهَا سُلَيْمَانَ ۚ وَكُلًّا ءَاتَيْنَا حُكْمًا وَعِلْمًا
ۚ وَسَخَّرْنَا مَعَ دَاوُدَ الْجِبَالَ يُسَبِّحْنَ وَالطَّيْرَ ۚ
وَكُنَّا فَاعِلِينَ ﴿٧٩﴾
80. Tuhan bi majea mnea bajeu besei ngen Daud, guno mlei aro si kunai bencana peperangan dimungkin si temeu. Kerno o lak ba udi besyukur magea Tuhan. وَعَلَّمْنَاهُ صَنْعَةَ لَبُوسٍ لَّكُمْ لِيُحْصِنَكُمْ مِنْ
بَأْسِكُمْ ۗ فَهَلْ أَنْتُمْ شَاكِرُونَ ﴿٨٠﴾
81. Khusus untuk Sulaiman, bi sudo Tuhan jeminak angin badai, di dapat betiup temotoa perteak Ne mai belahan bumei do bi sudo Tuhan berkati. Dan Tuhan namen kete-kete ne. وَلَسُلَيْمَانَ الرِّيحَ عَاصِفَةً تَجْرِي بِأَمْرِهِ إِلَى
الْأَرْضِ الَّتِي بَرَكْنَا فِيهَا ۚ وَكُنَّا بِكُلِّ شَيْءٍ
عَلِيمِينَ ﴿٨١﴾
82. Wi o kulo Tuhan made setan-setan kunai golongan di dapat menyelem, dan kemrejo pekerjaan dileyen seleyen do o, kete ne untuk kepentingan Sulaiman. Dan Tuhan kulo dimawas kerjo tobo o. وَمِنَ الشَّيْطَانِ مَنْ يَغْوُصُونَ لَهُ
وَيَعْمَلُونَ عَمَلًا دُونَ ذَلِكَ ۗ وَكُنَّا لَهُمْ
حَافِظِينَ ﴿٨٢﴾
83. Kinget kulo kisah Ayyub wakteu si bedu o ngen Tuhan: "Woi Tuhan ku, uku yo dirundung malang, sedangkan Tuhan maha penyayang kunai dileyen ne." * وَيُؤْتِي دَاوُدَ رَبُّهُ أَنْ يَمْسَسَ بِالضُّرِّ وَأَنْتَ
أَرْحَمُ الرَّاحِمِينَ ﴿٨٣﴾

84. Kemudian Tuhan kemabul du o ne, lepas kesulitan ne, lalu dikarunia ngen si dan keluarga ne seimbang dengan do laput. Bahkan ade kulo tabeak ne seiringan ngen tobo o, sebagei rahmat kunai Tuhan, dan peringatan teladan untuk hamba-hamba di leyen ne.
- فَأَسْتَجَبْنَا لَهُ فَكَشَفْنَا مَا بِهِ مِنْ ضُرِّ^ط ۖ
وَأَتَيْنَهُ أَهْلَهُ وَمِثْلَهُمْ مَعَهُمْ رَحْمَةً مِّنْ عِنْدِنَا
وَذِكْرَىٰ لِّلْعَالَمِينَ ﴿٤٤﴾
85. Kinget kulo kisah Isma'il, Idris, dan Dzulkifli, tobo o termasuk tun-tun do sabar.
- وَإِسْمَاعِيلَ وَإِدْرِيسَ وَذَا الْكِفْلِ^ط كُلٌّ مِّنَ
الصَّابِرِينَ ﴿٤٥﴾
86. Tuhan bi memasukkan tobo o mai lem rahmat Ne, kerno tobo o tun di baik-baik.
- وَأَدْخَلْنَاهُمْ فِي رَحْمَتِنَا^ط إِنَّهُمْ مِّنَ
الصَّالِحِينَ ﴿٤٦﴾
87. Kinget kulo kisah Dzun Nun wakteu si laleungen atei mendongkol temiga kaum ne. Si sako bahwa Tuhan coa mampu mempersulit keadaan ne. Lalu si bedu o nak lem teleu kegelapan bahwa: “Coa ade Tuhan seleyen Allah!, Maha suci Tuhan, sesonggoak ne uku termasuk tun zalim.”
- وَذَا النُّونِ إِذْ ذَهَبَ مُغْتَضِبًا فَظَنَّ أَن لَّنْ نَّقْدِرَ
عَلَيْهِ فَنَادَىٰ فِي الظُّلُمَاتِ أَن لَّا إِلَهَ إِلَّا أَنْتَ
سُبْحَانَكَ إِنِّي كُنْتُ مِنَ الظَّالِمِينَ ﴿٤٧﴾
88. Kemudian Tuhan kemabul du o ne, beberapa wakteu kemudian, Tuhan sealamat si kunai kedukaan, wi o ba Tuhan sealamat tun beriman.
- فَأَسْتَجَبْنَا لَهُ وَوَجَّيْنَاهُ مِنَ الغَمِّ^ج وَكَذَلِكَ
نُجِّي الْمُؤْمِنِينَ ﴿٤٨﴾
89. Selanjut ne inget kulo kisah Zakaria, ketika si bedu o ngen Tuhan; “Woi Tuhan ku dibeakba Ko munyeu uku su ang. Amen Ko coa kemabul du o ku, Ko ba ijei waris ku, kerno Ko ade ba waris di paling baik.”
- وَزَكَرِيَّا إِذْ نَادَىٰ رَبَّهُ رَبِّ لَا تَذَرْنِي فَرْدًا
وَأَنْتَ خَيْرُ الْوَارِثِينَ ﴿٤٩﴾
90. Mako Tuhan perkenankan du o ne, kemudian Tuhan anugerahkan Yahya magea si sesudo Tuhan suburkan rahim istrine kunai kemandulan. Bawasane tobo o ade ba tun dipaling segero nak lem kemrejo kebaikan. Tobo o bedu o ngen Tuhan ngen perasaan harap-harap cemas. Dan tobo o ade ba tun do tuduk atei ngen
- فَأَسْتَجَبْنَا لَهُ وَوَهَبْنَا لَهُ يَحْيَىٰ وَأَصْلَحْنَا لَهُ
رُوحَهُ^ج إِنَّهُمْ كَانُوا يُسْرِعُونَ فِي الْخَيْرَاتِ
وَيَدْعُونََنَا رَغَبًا وَرَهَبًا^ط وَكَانُوا لَنَا خَشِيعِينَ ﴿٥٠﴾

Tuhan.

91. Kinget kulo kisah Maryam kerno si memelihara kehormatanne, lalu Tuhan temiup mai lem awak ne ruh Isa di necipta Tuhan. Mako Tuha jemijei kisah Maryam ngen anak ne o sebagei tado kekuasaan Tuhan untuk alam semesta.
- وَالَّتِي أَحْصَنَتْ فَرْجَهَا فَنَفَخْنَا فِيهَا مِنْ رُوحِنَا
وَجَعَلْنَاهَا وَابْنَهَا آيَةً لِلْعَالَمِينَ ﴿٩١﴾
92. Sesonggoak ne agamo Islam yo ade ba agamo untuk udi kete, sedang Tuhan ade ba Tuhan udi ! kerno o supayo udi sembeak Tuhan.
- إِنَّ هَذِهِ أُمَّتُكُمْ أُمَّةً وَاحِدَةً وَأَنَا رَبُّكُمْ
فَاعْبُدُونِ ﴿٩٢﴾
93. Sudo o tobo o mcoak bloak urusan agamo ne sesamo ne. Namun tobo o kete ne akan belek magea Tuhan.
- وَتَقَطَّعُوا أَمْرَهُمْ بَيْنَهُمْ كُلُّ إِلَيْنَا رَاغِبُونَ
﴿٩٣﴾
94. Kerno o, api di kemrejo amal saleh serto ber iman, mako ade sio-sio terhadap aseah usahone. Tuhan mriteak temulis amal o untuk ne.
- فَمَنْ يَعْمَلْ مِنَ الصَّالِحَاتِ وَهُوَ مُؤْمِنٌ فَلَا
كُفْرَانَ لِسَعْيِهِ وَإِنَّا لَهُ كَاتِبُونَ ﴿٩٤﴾
95. Coa mungkin bagi penduduk suatu negerei do bi sudo Tuhan musnahkan , untu belek igei.
- وَحَرَامٌ عَلَى قَرْيَةٍ أَهْلَكْنَاهَا أَنَّهُمْ لَا يَرْجِعُونَ
﴿٩٥﴾
96. Sapei wakteu nukakne tembok Ya'jud dan Ma'jud, dan tobo o tuun ngen gacang kunai kete pelabe di lekat.
- حَتَّىٰ إِذَا فُتِحَتْ يَأْجُوجُ وَمَأْجُوجُ وَهُمْ مِّن
كُلِّ حَدَبٍ يَنْسِلُونَ ﴿٩٦﴾
97. Jajei di benea tentang kiamat o bi paak wakteu ne. Kemudian tobo di engkar o mekik dan matei teblalak: "Woi celako keme! Keme betoa-betoe alpa tentang malapetaka yo. Bahkan keme ade ba tun zalim."
- وَأَقْرَبَ الْوَعْدِ الْحَقِّ فَإِذَا هِيَ شَاخِصَةٌ أَبْصَرُ
الَّذِينَ كَفَرُوا يُنْوِلُنَا قَدْ كُنَّا فِي غَفْلَةٍ مِّنْ هَذَا
بَلْ كُنَّا ظَالِمِينَ ﴿٩٧﴾
98. Bahwasa ne udi dan kete sesembahan udi seleyen Allah, ade ba bahan bakar jahannam. Udi pasti masuk nak lem ne.
- إِنَّكُمْ وَمَا تَعْبُدُونَ مِن دُونِ اللَّهِ حَصَبُ
جَهَنَّمَ أَنتُمْ لَهَا وَارِدُونَ ﴿٩٨﴾

99. Jika berhala-berhala o memang Tuhan, tentu ba udi coa masuk nerako. Namun kete berhala-berhala o dan penyembah-penyembah ne kekal nak lem ne selamo ne.
- لَوْ كَانَتْ هَتُؤُلَاءِ ءِالِهَةً مَا وَرَدُّوهَا وَكُلٌّ فِيهَا خَالِدُونَ ﴿٩٩﴾
100. Tobo di nak nerako o merintah hebat, tapi coa nam temngoa rintihan tun leyen.
- لَهُمْ فِيهَا زَفِيرٌ وَهُمْ فِيهَا لَا يَسْمَعُونَ ﴿١٠٠﴾
101. Sesungguhne tobo o bi lebeak dete dapet taufik kunai Tuhan dan neoak kunai nerako.
- إِنَّ الَّذِينَ سَبَقَتْ لَهُمْ مِنَّا الْحُسْنَىٰ أُولَٰئِكَ عَنْهَا مُبْعَدُونَ ﴿١٠١﴾
102. Temngoa bisik opoi nerakopun si coa. Tobo a terus menikmati kebahagiaan di kenlakne.
- لَا يَسْمَعُونَ حَسِيسَهَا وَهُمْ فِي مَا أُشْتَهَتْ أَنفُسُهُمْ خَالِدُونَ ﴿١٠٢﴾
103. Tobo o coa gentar uleak kejutan dahsat pado bilei kiamat, bahkan tobo disambut mesra uleak malaikat ngen ucapan: “Dio ba bilei bahagia udi” dipernah jenajei ngen udi bi o.
- لَا تَحْزَنُهُمُ الْفَرَعُ الْأَكْبَرُ وَتَتَلَقَّيْنَهُمُ الْمَلَائِكَةُ هٰذَا يَوْمَكُمُ الَّذِي كُنْتُمْ تُوعَدُونَ ﴿١٠٣﴾
104. Dan tobo o kulo coa terkejut wakteu Tuhan gemulung lenget awei melipet kertas. Awei ipe di nea Tuhan waktei ciptaan pertamo, wi o kulo Tuhan bekenea untuk ciptaan-ciptaan selanjut ne. do o ba jajei Tuhan, dan Tuhan pasti akan melaksanakan ne.
- يَوْمَ نَطْوِي السَّمَاءَ كَطَيِّ السِّجِلِ لِلْكِتَابِ ۗ كَمَا بَدَأْنَا أَوَّلَ خَلْقٍ نُعِيدُهُ ۗ وَعَدًّا عَلَيْنَا ۗ إِنَّا كُنَّا فَاعِلِينَ ﴿١٠٤﴾
105. Sesonggoak ne bi tenulis Tuhan nak lem zabur, setela temulis ne nak lem lauhul mahfuz, bahwa bumei yo di pusakai uleak hamba-hamba Tuhan di saleh.
- وَلَقَدْ كَتَبْنَا فِي الزَّبُورِ مِن بَعْدِ الذِّكْرِ أَنَّ الْأَرْضَ يَرِثُهَا عِبَادِيَ الصَّالِحُونَ ﴿١٠٥﴾
106. Sesonggoak ne jano di nadeak nak lem ayat yo ade ba “petunjuk lengkap untuk tun di memperhambakan diri magea Tuhan.”
- إِنَّ فِي هٰذَا لَبَلَاغًا لِّقَوْمٍ عٰبِدِينَ ﴿١٠٦﴾
107. Dan Tuhan coa mutus udi ngen ketentuan-ketentuan o kecuali untuk ijei rahmat bagi semesta alam.
- وَمَا أَرْسَلْنَاكَ إِلَّا رَحْمَةً لِّلْعٰلَمِينَ ﴿١٠٧﴾

108. Kadeak ba: “Adepun di tenuun magea uku uleak Tuhan ku, adeba : “Bahwa sesonggoak ne Tuhan udi ade ba Tuhan yang Maha Esa! Sudohka udi mematuhi wahyu do bi tenuun o.”
- قُلْ إِنَّمَا يُوحَىٰ إِلَيَّ أَنَّمَا إِلَهُكُمُ إِلَهُهُ وَاحِدٌ ۖ فَهَلْ أَنتُمْ مُسْلِمُونَ ﴿١٠٨﴾
109. Amen tobo o mungker, kadeak ba: “Uku bi semapei kecek do nien ne ngen udi”. Mako uyo antara udi ngen uku sudoh samo-samo namen. Namun kehancuran dipernah terjijej terhadep udi o ati ite namen wakteu ne, janokah bi pa ak ateu gi oak?
- فَإِن تَوَلَّوْا فَقُلْ ءَاذَنْتُكُمْ عَلَىٰ سَوَاءٍ وَإِنِ أَدْرَىٰ أَقْرَبُ أَم بَعِيدٌ مَّا تُوعَدُونَ ﴿١٠٩﴾
110. Sesonggoak ne Tuhan namen jano di nucep udi dengen te ang-te ang dan namen kulo jano di nadeak udi ngen diem-diem.
- إِنَّهُ يَعْلَمُ الْجَهْرَ مِنَ الْقَوْلِ وَيَعْلَمُ مَا تَكْتُمُونَ ﴿١١٠﴾
111. Namun coa kulo di ketahui: buleak jieji tanggung wakteu kehancuran udi o sebagai cobaan tambahan ngen kesenangan terbatas bagi udi hinggo suatu wakteu.
- وَإِنِ أَدْرَىٰ لَعَلَّهُ فِتْنَةٌ لَّكُمْ وَمَتَاعٌ إِلَىٰ حِينٍ ﴿١١١﴾
112. Muhammad bekinai: “Woi Tuhan ku, kageak keputusan di adea sebab Tuhan keme ade ba Tuhan Maha pengasih pelabei minai petulung untuk keselamatan keme kunai mempercayoi sipet-sipet di nageak ngen Si.
- قُلْ رَبِّ أَحْكُم بِالْحَقِّ ۗ وَرَبُّنَا الرَّحْمَنُ الْمُسْتَعَانُ عَلَىٰ مَا تَصِفُونَ ﴿١١٢﴾